

**Mastiplan® LC**, intramamarna suspenzija u 1 injektoru od 8 g

(za upotrebu u veterinarstvu)

Proizvođač:	Intervet International BV
Adresa:	Wim de Korverstraat 35, Boxmeer, Holandija
Podnosilac zahteva:	Intervet International bv, Predstavništvo za BiH
Adresa:	Tešanjaska 24 A, Sarajevo

## IME LIJEKA

Mastiplan LC

## KVALITATIVNI I KVANTITATIVNI SASTAV

Po injektoru sa 8 g suspenzije:

### Aktivne tvari:

Cefapirin (u obliku cefapirin natrijuma) 300 mg

Prednizolon 20 mg

### Pomoćne tvari:

Glicerol-monostearat; Kalcijum-natrijum aluminosilikat; prečišćeno ulje kikirikija

## INDIKACIJE

Liječenje kliničkog mastitisa kod mliječnih krava u laktaciji uzrokovanog *Staphylococcus aureus*, stafilokoka negativnih na koagulazu, *Streptococcus agalactiae*, *Streptococcus dysgalactiae*, *Streptococcus uberis* i *Escherichia coli* osjetljivih na cefapirin.

## KONTRAINDIKACIJE

Ne koristiti u slučaju preosjetljivosti životinje na cefalosporinske antibiotike ili druge  $\beta$ -laktamske antibiotike ili bilo koje druge sastojke.

## NEŽELJENA DEJSTVA

U vrlo rijetkim slučajevima, mogu se javiti akutne reakcije preosjetljivosti.

**U slučaju pojave ozbiljnih neželjenih reakcija ili nekih drugih neželjenih reakcija koje nisu naglašene na ovom uputstvu veterinar mora biti informiran i postupiti u skladu sa odredbama člana 26. Zakona o lijekovima koji se upotrebljavaju u veterinarstvu („Službene novine Federacije BiH“ br. 15/98 i 70/08).**

## CILJNE VRSTE


Goveda (mliječne krave u laktaciji).

## DOZIRANJE I NAČIN PRIMJENE

Sadržaj jedne šprice treba uliti u svaku oboljelu četvrt vimena kroz sisni kanal, odmah nakon mužnje, u 12-satnim razmacima tokom četiri uzastopne mužnje.

Prije unošenja lijeka, vime treba u potpunosti izmusti. Sisa i njen otvor trebaju biti temeljito očišćeni i dezinficirani pomoću priložene maramice za brisanje. Treba obratiti pažnju da se izbjegne kontaminacija mlaznice šprice. Prelomite vrh poklopca i nježno umetnite oko 5 mm (B) ili potpuno skinite poklopac i nježno umetnite čitavu dužinu mlaznice (C) u sisni kanal. Ulijte sav sadržaj šprice u četvrt vimena.

Rastrljajte proizvod nježnom masažom sise i vimena oboljele krave.



## KARENCA

Meso i iznutrica: 4 dana (96 sati)

Mlijeko: 5,5 dana (132 sata).

## POSEBNE MJERE PREDOSTROŽNOSTI PRI ČUVANJU

Čuvati van dohvata i pogleda djece. Injektore čuvati u aluminijskoj vrećici u vanjskom pakovanju.

Čuvati ispod 25°C.

Ne koristiti nakon isteka roka upotrebe navedenog na naljepnici i kartonu.

## POSEBNA UPOZORENJA

### Posebne mjere predostrožnosti za upotrebu kod životinja:

Šprica se smije koristiti samo jednom za jednu sisu.

Ne koristite maramice za brisanje na sisama koje imaju otvorenu ranu.

Upotreba proizvoda treba se zasnivati na ispitivanju osjetljivosti i pri njoj treba uzeti u obzir zvanične i lokalne antimikrobne politike. Penicilini i cefalosporini mogu izazvati preosjetljivost (alergiju) nakon ubrizgavanja, udisanja, gutanja ili kontakta sa kožom. Preosjetljivost na peniciline može dovesti do unakrsne osjetljivosti na cefalosporin, i obrnuto. Alergijske reakcije na navedene tvari mogu povremeno biti ozbiljne.

### Posebne mjere predostrožnosti koje treba preduzeti lice koje daje veterinarsko-medicinski lijek životinjama:

Nemojte rukovati ovim proizvodom ako znate da ste osjetljivi na peniciline ili cefalosporine, ili ako Vam je savjetovano da ne radite sa ovakvim preparatima.

S ovim proizvodom rukujte pažljivo da izbjegnute izlaganje, koristeći pri tome sve preporučene mjere predostrožnosti.

Ako se nakon izlaganja pojave simptomi, kao što je osip kože, trebate tražiti pomoć doktora i doktoru pokazati ovo upozorenje. Oticanje lica, usana ili očiju ili otežano disanje su ozbiljniji simptomi i zahtijevaju hitnu medicinsku pomoć.

Operite ruke nakon upotrebe maramica za brisanje i koristite zaštitne rukavice ako imate poznatu ili sumnjivu iritaciju kože na izopropil alkohol.

### Upotreba tokom gravidnosti ili laktacije

Ovaj veterinarsko-medicinski proizvod je namijenjen za upotrebu tokom laktacije.

## POSEBNE MJERE UNIŠTAVANJA NEUPOTREBLJENOG LIJEKA ILI OSTATKA LIJEKA

Sav neiskorišteni veterinarsko-medicinski proizvod ili otpadni materijal treba zbrinuti u skladu sa Zakonom o upravljanju otpadom (Sl. Novine FBiH, br. 33/03).

**BROJ I DATUM ODOBRENJA**

UP-I-06-2-220/21-1205/20 J.B; od 15. oktobra 2020. godine

**PAKOVANJE:** Kutija s 4 injektora i 4 maramice za brisanje vimena.

**NAČIN IZDAVANJA:** Na veterinarski recept.

**ROK UPOTREBE:** 2 godine.

**ATCvet kod:** QJ51RV01

**NAZIV I ADRESA PROIZVOĐAČA**

Intervet International BV, Boxmeer, Holandija

**NAZIV I ADRESA NOSIOCA DOZVOLE ZA STAVLJANJE LIJEKA U PROMET**

Intervet International bv, Predstavništvo za BiH, Tešanjaska 24 A, Sarajevo